

編號 1 號 【幸福个味緒】 李淑娟原作

幸福係麼个味緒？有人會講，係放學時節轉到屋下，對灶下傳來个焢豬腳香味；也有人會講，係阿爸下班過後撫身个臭汗酸味；乜有人講，係暗晡頭屋背該頭桂花樹淡淡个花香。味緒，看毋著、聽毋著乜摸毋著，當奇妙个係，佢總係做得膠佢兜个回憶園共下，食著、鼻著共樣味緒个時節，回憶乜會跣等像戲齣樣又再過放送出來。

佢爸在佢讀國中三年生个時節過身咧，因為發現肝癌个時節忒慢，已經第三期。佢辭忒頭路拖等著病个身體做年零个治療，揸下佢姆膠佢兜兩兄弟就轉長山賣鴨卵咧！阿爸分佢印象最深个毋係長壽菸个味緒，毋係醫院肚吊大笏射¹个藥味，嗶係佢个手路菜「番茄炒雞卵」个好味緒。

阿爸个「番茄炒雞卵」一定愛特別用臨暗頭市場賣伸个、有靠傷个、嫋嫋个番茄，因為該下頭家愛收攤咧，會半賣半相送。佢當沙鼻講：「雖然這毋係星級个材料，毋過有阿爸五星級个好手藝啊！」斷真哦！這項菜上桌个時節，紅啾油光油光个番茄，合等該綿綿嫩嫩又黃淦淦个雞卵，還㗎落嘴就先吞口

水咧。該香香又酸酸甜甜个味緒，單淨攪味就做得划忒兩碗白飯，這幸福个味緒一直園在佢个記憶裡肚毋會散忒。

阿爸做化療該段時間，阿姆天官光愛先去送牛乳，正趕去工地做小工，無時間煮飯。佢膠老弟輒常食白飯傍醬菜、豆腐乳、魚罐頭，係無就泡麵加一隻雞卵。阿爸愁慮佢兜營養毋罅，刻耐仔忍等身體个毋鬆爽煮菜分佢兜食。逐擺酸酸甜甜个味緒食落肚，佢个心乜跣等酸酸甜甜，甜个係阿爸惜子个心意，酸个係，毋知還做得過食加幾多擺這幸福个味緒？

對佢來講，幸福就係「番茄炒雞卵」該酸酸甜甜个味緒，佢總會帶出佢最深、最甜个回憶，分佢看著阿爸黃蠟个面容頂高掛等滿足个笑容。這下佢又乜最驚食著這樣菜，因為佢驚食忒多別家个「番茄炒雞卵」，會害佢毋記得記憶當中阿爸留分佢个味緒，該阿爸惜子个味緒，佢膠阿爸共下个幸福味緒。

1 吊大笏射：音 diauˊ tai+ gong sha+；吊點滴。

編號 2 號 【講分人增志个話】 彭瑞珠原作

細細个時節，係講係毋堵好在禾埕跔倒，黏時就會聽著係婆盡毋盼得个聲：「啊哦，係心肝仔！毋怕、毋怕，會較高咧！」雖然，佢毋會來牽係，愛等係跔起來，正會痾下來看係有哪位著傷無？毋過，這句有惜又有鼓勵个話，有安慰著係。就算痛到目汁跔等就哼出來咧，係乜罕得噉，因為，係想等：「係會較高……。就毋記得痛咧！」

雖然佢講：「自家跔倒，愛自家蹶跔起來；該痛，乜無人好替你痛啊！」毋過，見擺係有人嫌係：「這……，大頭确！細妹人个額頭恁闊，合……有生角哦！」係婆就會替係應講：「係孫女，天庭飽滿、日月有照，係聰明又有福氣个人，你知人麼个！」該係係婆罕得摻人詢嘴个時節。

麼个係「天庭飽滿、日月有照」，係毋知；該句「聰明又有福氣个人」，係聽有。加勝，學校个智力測驗乜講係比一般人「聰慧」，所以，係相信係婆講个：係係一個有福氣个人。因為聰明，學校先生、屋下阿姆都會𠵼1已多事頭分係搨做，

係自家又有當多想看个書、想學个才藝，「時間管理」就變到當重要。因為係「有福氣个人」，所以，項項事頭係都準係學才藝恁樣，做到當歡喜，其實乜比讀書好搞多咧。

記得有一擺，係投係婆講：「某某伯姆，講你个壞話！」係婆先看向該伯姆屋下，又看等佢逐日會經過个頭前，再過看向崁下个河壩，正應係講：「佢，盡煞猛哦！」意思係講：有影、無影由在人，係單淨看著佢个認分摻煞猛。係婆無讀過書，哪知「三人行，必有我師」這句話，毋過，「擇人个優點，來學習；反省自家，有共樣个缺點無？」這，確實係係婆教係个。

惜你个人，望你幸福、望你增志，總係會鼓勵你。希望，佢講出去个話，乜做得鼓勵著別人，分人一時受用或者係一生人受用，都好！

1 𠵼：音pang`；分配、分散。

編號 3 號 【客家烏鶯阿醺】 巫沂庭原作

佢做細人个時節，畜一隻得人惜到耐毋得个烏鶯。雖然佢離開佢去做仙拗蠻久咧，毋過佢心肝肚永久會留一隻思念个位所分佢。見擺在腦膈肚無意中瞞過頭擺攞佢相處个種種，艱苦个心情斯一陣一陣湧起來，淦淦脹脹，像硬硬¹會浮出來樣。

小學三年生該時，有一日，戴在共莊頭个姨丈對佢做事个所在——金山，帶轉三隻盲生幼毛个細烏鶯。「唉哦！做麼个有恁得人惜个鳥仔？」阿爸忍毋核阿腦講。「分佢兜一隻來畜好無？」阿爸攞姨丈要求。

「好啦，自家擇一隻轉去畜。」姨丈有一息毋盼得講。

斯恁樣，這隻鳥仔開始攞佢兜共下做伴，有佢兜个所在，總係有佢細細隻个身影。在佢兜細心細意个照顧下，阿醺生到結實又硬程。阿姆成時會切兜幼豬肉絲分佢食，所以佢个毛看起來還較烏金合靚。因為佢个膺身圓滾滾，所以佢攞佢安一隻得人惜个名仔——「阿醺」。

聽人講烏鶯曉得學人講話，阿爸毋知哪時斯走去市場買隻掇舌枋²偷囡轉屋分阿醺齧，像有影樣，阿醺當像緊來緊會學人講話咧呢，還生趣哦！

阿爸、阿姆原旦戴在東勢該片，因為阿爸想愛開店做生理，

佢心肝肚想，毋好掉忒³屋下一個人創業，斯將就渡歸屋人上臺北定貼下來。雖然離開東勢恁遠，毋過佢兜從來毋識毋記得祖宗言。打幫爺哀个堅心，一溜佢兜用大埔腔攞佢兩隻細人仔教到曉講客，今晡日佢有機會攞客話傳承分後輩，全愛承蒙佢个爺哀。還使講，家庭係傳承母語盡好个地方，仰般講都毋好放忒正好。

佢兜乜教阿醺講客，佢講著已正，唉哉，根本就係一隻客家烏鶯啊！成時阿爸睡當晝有人客來个時節，阿醺看阿爸還睡等無停動，斯玄風嘶胲另命，一到又一到喊阿爸个名，直直喊到阿爸精神咧，佢正恬恬無過出聲。這下佢兜正發現阿醺還會掄做生理呢，唉唷，做麼个會恁慶腳啦！

當希望時間頓恬在阿醺還在該時，有佢做伴个時節，佢兜逐日過到歡喜合暢樂。前前後後佢陪佢兜總共有十五隻年頭，實在貼心正得！逐擺想著佢得人惜个樣仔，都會攞佢歸隻心肝揪到纏纏，毋得伸揀⁴。想愛在心肝肚細聲攞阿醺講一句：「承蒙！佢个青春有你做伴，正來寮。」

¹ 硬硬：音ngiang´ngiang´；即將要。² 掇舌枋：音no shad`biong`；磨舌板。

³ 掉忒：音tiau´ted；丟掉。⁴ 伸揀：音chun`cha`；平順。